



上海

B-764/5

老上海

(下)

上海泰東圖書局印行

老上海目次

一九 善舉

慈善團之始末 各善堂之創始 同仁輔元堂之沿革 孤兒院歷史 貧兒院 中國救濟婦孺會
放牛局與牛棚 戒煙會 滬北之棲流公所 劉江氏捐款十萬元 醫院地址 采芝堂宰鹿受罰 西人火葬地

二十 藝術

上海之書畫家 上海書畫家之今昔 嚴筱舫之書畫 蒲作英之狂草 瞿松濤之音律 喬孟安之醫 王玉峰之三絃 沈衡章之測字 修竹軒之命理術 神卜 某西人之字典扇 霍元甲之技擊 瞿子治之茶壺 顧繡考略 黃道婆 丁娘布 自造輪船之發明家 創造氣艇 華人造時鐘之鼻祖 孫庚 逸虎 豬糞釀命案 飛龍島之重學 西醫神技 製造麝香之奇秘 雷允上之六神丸 上海之神醫 徐軀收生術 賴溫症之簡治法 急救斷針入腹法 中國人之號稱西醫者 上海之醫生世界 林步青之蘇灘

二一 迷信

廟宇之變更 靜安寺之大佛會 靜安寺之浴佛會 靜安寺之蝦子和尙 邑廟之神話 邑廟之道士 邑廟之神羊 邑廟池內之鼃 龍華之神話 龍華寺塔誌異 地生毛誌異 靈學會 濟生會之乩壇 識緯談 吳淞口之神鐘 放假之怪談 溺鬼討替 三牌坊說鬼 小普渡寺因果談 喬氏得神助 徐寶山與吳淞 迷信夢理之冤案 董杏芬之異書 天妃廟 水神閣鎮壓火患 江灣之仙人洞 殷天君 百步橋繇詞之奇驗 法華寺因果談 洋行街之財神殿 小東門之財神 客述朱氏輪迴事 紅廟燒香 看香頭之惡俗 滬人之迷信僧道 喬家浜歷史 九尾龜確有其物 星宿宮出押案 孟蘭勝會 廣肇山莊之孟蘭勝會 三節會之原因 天后宮燈會記

二二 遊戲

賽花會 遊戲場一束 馬戲及文武戲法 江灣跑馬 春秋季之遊戲觀 西人遊戲種種 遊戲場之變遷 跑水場 海關之俱樂部 跑馬總會 跑馬廳 跑馬場外之看臺 詩鐘 中國之賽會 老人茶

二三 倡優

賽場之今昔 妓院今昔觀 妓女習尙之今昔觀 妓女沿革考略 六十年前之上海妓院 妓院

迷信之一般 蘇妓外之妓女 廣東妓館之今昔 鹹水妹 東洋茶室 娘姨煙間 么二妓院之
菊花山 臺基 上海花榜溯源 追誌上海各花榜 花園成立後之所聞 野雞大王 其二 一
樹梅花館 湖絲阿姐 賽二爺之情夫 林黛玉小史 林黛玉妍龍小雲之趣史 林黛玉嬉弄名
士之軼聞 張書玉謾客受累 陸蘭芬之榮哀 陸蘭芬之爭風案 詩妓小史 許紫煙 李珊瑚
之殉情 某氏子之殉情 鷗波小榭之受給 李巧林與胡寶玉之決鬥 揚玉科之豪嫖 桑道臺
桑中大會 尙其亨之宿娼 王秀寶與洪述祖 野雞拉巡撫 楊四烏龜之趣譚 慾海中之小風
潮 梁啟超與憶情 洪奶奶之磨鏡黨 上海賣淫業之確數 娼優聯合表 民國七年春花界調
查 民國七年夏花界調查 說戲 戲館街 崑曲 戲園之今昔觀 戲劇之變遷 戲劇之沿革
戲園沿革史 胡家宅戲園之始末 丹桂第一臺命名之由來 譚叫天來滬演戲考 孫菊仙之
軼事 汪桂芬案 高彩雲案 楊月樓案 其二 楊月樓留頭不留足 霍春祥案 丁靈芝案
丹桂戲園與廣潮幫大決鬥 燕子飛演二上吊之觸柱 雲中飄演三上吊之肇禍 丹桂園演湘軍
平逆傳之被罰 諸葛亮墮城樓 香九霄之玉成科班 香九霄被擄 潘月樵軼事 伶界偉人之
秘史 名伶夏氏事略 英領事戲穿滿服 日本人演京戲 上海之廣東戲園 上海破天荒之童
伶 上海男女伶合演之歷史 上海髦兒戲之原始 上海有名之新劇家 新劇女伶錢天香 上

海新劇彙誌 上海票房之溯源 久記社票房 梨園應時戲 除夕之避債戲 學校演劇籌款之惡俗 再誌學校演劇籌款事 男伶殉情之舊話 夏伶創革侑酒之惡俗 小連生鬧小報 上海影戲之溯源 上海之影戲事業 影戲業之進步

二四 雜記

裕督奇癖 魯伯陽片言落職 魯伯陽失官之又一說 李鴻章之足 瑞莘儒之笑柄 袁海觀之官運 裴大中爭坑廁 時太守食瓣致斃 某京卿之悖入悖出 左宗棠蒞滬之軼事 邑令苑枯之殊 偵探誤偵康有爲 車夫奇遇 剃字店升充鑄印局 山東會館之門役 道署之沿革 滬商用國旗之始 國旗談 國旗神 戲掛龍旗案 巧對 大自鳴鐘有七 陶趙易子之佳話 國人文勝之弊 有鬚之西婦 章太炎結婚之趣 美總統蒞滬之盛會 邑中耆老之盛會 千齡會

老上海

一九 善舉

慈善團之始末

滬上慈善事業。甲於他處。所有各善堂之創設及歸併情形。茲爲一一詳錄。以供閱者參考。康熙四十九年。有育嬰堂之設。乾隆拾年。有同善堂之設。嘉慶九年。有同仁堂之設。興辦未久。遂與同善堂併合。道光八年。同仁堂開辦救生局。拾六年。同仁堂兼管育嬰堂事務。道光二十三年。輔元堂繼之而起。二十六年。設全節堂。咸豐五年。一律合併。更名曰同仁輔元堂。八年。建果育堂。同治二年。設同仁輔元分堂於法界。六年。有普育堂之建。十年。果育堂設輪船救生局於楊家渡。兼管八鋪之仁濟堂事務。是年建清節堂。嗣又添建保節堂。此二堂均歸果育堂管理。光緒九年。果育與普育合辦。開北善粥廠。十七年。普育堂加設保赤局。改革後。普育及清節保節。以補助官費無着。難以支持。乃併合爲一團體。兼籌並顧。酌盈劑虛。遂於民國元年二月。設慈善團事務所於同仁輔元堂內。卽將果育等堂事宜合辦。以省開支。新普育堂經費。及普益習業所常費。素仰給於工巡捐局。嗣因工巡捐局撥款較少。不敷開支。亦求助於慈善團。考各善堂所辦各種善舉。實事求是。厥功甚偉。非辦事者之熱心。不能有此成效焉。

各善堂之創始

一育嬰堂。在閘水橋東。清康熙四十九年建。倡議者張永銓。捐宅者曹爛曾。李士達。曹炳曾。曹培廉。曹培年。解囊相助。李宗袁。曹錫棟。曹錫黼。任其役。乾隆三十九年。朱之灝。朱朝棟。增建屋宇。又與李宗袁。凌存淳。李煥。秉。瞿。忠。等。集資千計。郭其相。捐田七十畝。紳士又從而和之。共得一百八十七畝。有奇。取租以供育嬰之用。乾隆四十八年。喬鍾沂。議以育嬰餘資。贍給貧老。朱之淇。首捐銀三千兩。共集得錢八千緡。田一百七十二畝。有奇。以租息散給。每月人六百文。可給數十人。日久弊生。事有不繼。嗣以海關稅行。具票領銀千兩。歲取海舶釐錢。以給之。因盈虧不齊。司事者聞於官。五十八年。巡道李廷敬。將票銷毀。定以每月海關公項內。捐給五十人。稅行捐給五十人。命貧老按月赴關署驗票而領。永以爲例。道光十六年。知縣黃冕。以育嬰事。諭同仁堂兼理。咸豐五年。知縣孫豐及衆錢業。各捐市房一所。董事經緯。又集捐置華金田。收租充用。

一同善堂。在虹橋南。清乾隆十年。知縣王倬。同紳商公建。基一畝。有奇。好善者又捐田一百五十四畝。有奇。并市房一所。歲取租錢。爲施棺施藥。惜字掩埋之用。又設義塾。延師教里中子弟。司其事者。爲邢正銓。金應杓。喬承頤。等。越六十年。改名同仁堂。咸豐初。有醫士周棠。勸沈維楨。創立惠育之舉。凡貧士初生嬰孩。月給湯藥之費。俾資撫育。又於同治五年。將維楨所捐銀三百五十兩。並嬰兒二十七人。交濟善堂接

辦房屋交同仁堂兼管。且於其中設兩義塾焉。

一同仁堂在藥局弄。清嘉慶九年設。先是嘉慶五年。知縣湯壽捐置北郭田。偕邑人朱文煜徐思德等。設立義塚。榜曰同仁。欲建堂推廣其事。未果。至是紳士捐購喬氏屋。建爲堂。司總者李炯朱朝坤陳元錦江發瑞等。其捐有總捐歲捐。豆業按月提捐。其事一恤。凡舊族孀居貧苦無依者。月給錢七百。一贍老。凡年過六十。貧苦無依。或殘疾不能謀生者。月給錢六百。一施棺。凡貧無以殮者。予之棺。並灰砂百斤。一掩埋。凡無主棺木。及貧不能葬者。一例收埋。後又建義學。施棉衣。收買字紙。以及代葬濟急。水龍放生。收瘞路斃浮屍等事。他如棲流救生。給過路流民口糧。悉與焉。故同仁堂爲諸善堂之冠。

一同仁輔元堂卽同仁堂也。清道光二十三年。邑人梅益奎得杭州賒棺條規。遂與海門施湘帆。慈谿韓再橋。募捐就龔氏屋設賒棺棧。司其事者。爲朱增齡江鶴鵬龔龔錫華等。二十六年。典同仁堂後陸氏屋爲局。於是合局棧爲一。造正副號棺衣冠之貧乏者。皆得賒用焉。又集資施藥。自仲夏始至仲秋止。咸豐五年。董事經緯歸並爲一。乃易今名。又加代給屍場驗費。及收賣淫書。挑除垃圾。稽察渡船之事。同治五年。又置華金兩邑田五十三頃八十八畝有奇。以三十八頃八十三畝有奇歸同仁輔元。十五頃四畝有奇歸育嬰。建倉房於華邑德岡鎮。收租充費。咸豐三年。金陵之役。難民南下。勸捐留養。共費錢六萬餘緡。嗣於十年四月間。蘇常失守。被難男婦轉徙來滬者。不下二萬餘名。復勸捐留養。由巡道給予護照。陸續送

至海門鎮洋各邑安插。又費五萬餘緡。同治元年。以全節堂幾多費寡。添保守兩等。俟缺額以次補入。保月給錢三百。守月給錢二百。其捐在輔元所收松上五善堂捐內分撥。益以官紳月捐。

一全節堂。在淘沙場。清道光二十六年。陳炳燦江駕鵬葉介壽等。募捐建立。以養婦年三十內外。分冰霜兩等。冰字月給錢七百。霜字月給錢六百。每月發發糧外。並設賒葬局。凡有墓田而無力營葬者。由局埋葬。卽同仁代葬舊規。而云賒者。隱其名也。

一果育堂。在全節堂後。袁公祠內。初江駕鵬費培鎮顧錫麒等。於莊家橋南。借民房。設義塾。邑人劉樞以果育名其堂。至咸豐八年。於袁公祠後添建樓房。遷往焉。義學之外。若施賒棺木。掩埋義塚。恤養贍老等事。皆仿同仁堂行之。又集捐資添備水龍水擔施醫藥衣米。立達生局以濟產婦。置蘇太誼園以瘞旅魂。同治二年。崑山太倉相繼克復。巡道吳煦諭董事葛繩孝瞿世仁等。前往收埋。並設粥廠。蘇城克復亦如之。後與同仁分管查察渡船之事。

一仁濟堂。在安仁橋。初朱鏐等爲衛生起見。專辦產母嬰孩需用之物。咸豐八年。推廣爲矜孤一事。又廣爲施醫施藥給孩棺等事。司之者果育同仁也。

一濟善堂。在縣治南申明亭左。咸豐九年。葉紹虞等以暑疫流行。客寓貧民。每爲寓主所不容。沿街倒臥。因請縣示禁。如有在寓患病。到堂報明。延醫往診。給藥炭費。痊則贈以川資。死則施以棺槨。同治三年。購

申明亭地建房。並重建申明亭爲鄉約所。又添義學。施醫水龍水擔。及接辦惠育之事。一復善堂。在南門外教場西。董事徐泰戴國鈞陳義華等。於同治二年。捐買民房爲堂。基地六分二釐。舉行諸善。後又添修葺古墓一事。

一善育堂。在牛段涇。初巡道應寶時。於淘沙場陳公祠。延董設局。收養丐童。撫而教之。藝成聽其自去。成立。其有殘廢不能自贍者。就牛段涇茶商舊所。派員董廖綸余治李曾祐設堂留養。並推廣之。分立七所。收養老男老婦。殘廢男女。及養病撫教恤嬰。並設義塾。及醫藥兩局。其老男及男殘廢養病三所。每所以六十名爲額。老婦及女殘廢。以二十名爲額。撫教以八十名爲額。以上六所。均在堂內。器用什物衣食均由堂給備。共額三百名。其堂外之保產恤嬰。每年以百名爲額。每嬰貼費三年爲止。層遞而下。至三年。額亦三百名。其常年經費。在關庫月給發五百串。松滬釐局月給錢三百串。餘俱由絲商茶棧。抽捐充費。堂房及基地七畝五分七釐九毫。係各茶商李振玉等公捐。其東數楹於同治八年。由董添造。保息局在縣治西北廣福寺。同治元年。夏大疫。時蘇人避難來滬者甚衆。蘇紳公建爲施醫藥施棺代葬之所。其始專爲蘇人避難者設。厥後旁及他處。不分畛域。蘇城復局分蘇州。而滬局亦如舊。經費以絲絹爲主。故嘉湖人亦與聞其事。倡捐經始者。爲秀水王亨謙。夙好善。後以子成進士得封云。

以上所述。就上海著名之善堂。爲近今所存在者而言。其餘無甚著名之堂。及現已消滅者。亦不詳其原

始焉。

同仁輔元堂之沿革

(一)命名 滬上辦理慈善機關。向祇同仁堂一所。所辦慈善事業。止施棺恤嫠等事。上虞人經芳洲遂起倡輔元堂。補同仁之所未及。其後以經費故。兩堂合併。故定名為同仁輔元堂也。

(二)現在之情形 現在所辦之事業。共分六科。

第一科

恤嫠 瞻老 矜孤 濟貧

第二科

施棺 賒棺 賒葬 義塚

第三科

育嬰 保赤。

第四科

養老院 殘廢院 貧病院

第五科

貧民習藝所

第六科

婦女工藝院

以上六科。非一機關所能悉辦。於是。有普育堂(專管第四科)新普育堂(民國二年成立。補助普育堂者)育嬰堂(專管第三科)清節保節堂(專管第六科)貧民習藝所(民國元年成立以前為勸生院)之設。可謂為滬上辦理慈善事業之總機關。嗣於民國元年。以經費暨辦事之不能斟酌盡善。乃聯絡諸

堂。統名慈善團。以同仁輔元堂爲辦公處。基礎益加堅固矣。

孤兒院歷史

上海之有孤兒院。實始於光緒丙午之夏。時適北省兵災之後。瘡痍滿目。嗷嗷待哺之鴻。蔽野而來。大江以南。所在皆是。滬上當江海之衝。又夙以繁富稱於時。以故鳩形鵠面之輩。益以斯土爲目的地。揮之不忍。濟之不給。一般慈善家。大有窮於應付之勢。所謂博施濟衆。堯舜其猶病諸。此類是也。高君鳳池。本耶教信徒。爲商務印書館重要職員。秉性慈祥。以博愛爲人生無上之天職。目睹及此。悲從中來。於是不得已而思其次。以難民中最可憫者。厥維失怙之孤兒。每因力不足以自贍。隨衆流離。非誤入岐途。卽稿餓溝壑。覺赤子。果何罪而罹此浩劫耶。因商之李君平書。沈君縵雲。王君一亭等。謀創孤兒院以救濟之。初次集議于徐園。是日狂風驟雨。而與議諸君。應時蒞會。志不稍衰。遂推定幹事員。並認常年經費三千餘元。復委張君廷雍。赴日本岡山孤兒院調查辦法。蓋以事屬創舉。不厭求詳也。張固熱心好善者。卽日欣然就道。並攜有卜女士介紹書。抵東邦。極蒙岡山院慰勸招待。盡一月之力。始克畢事。復至大阪扶植會參考一切。彌覺周到。回滬後。遂決議著手進行。初以房屋一事。煞費躊躇。適大東門內火神廟西首。有兩化堂者。爲長老會之公產。該堂原有小學校。因事停辦。商諸西董。慨允假用十年。連同空地畝許。不取租金。於是孤兒院之基礎。始確然成立矣。時已屆隆冬。彼孤兒之托足無所者。短褐不完。嗷嗷待食。就地

調查已不下數十名。遂擇其中尤苦者先收十五名。一面僱匠就隙地添築樓房四幢。即令此十五孤兒任搬運土木之役。至翌年四月工程告竣。承造者爲陳君基明。不但建築合度。且以事關公益。願將此項工料火食全數充捐。陳君之熱心好義。眞足爲工界放一異彩矣。可不敬哉。夏六月行正式落成禮。來賓極一時之盛。滬道瑞莘儒邑宰李紫微咸蒞止焉。秋七月小學堂成。定名育孤工讀學校。計收生徒五十名。以年歲不等分四級教授。尤長者撥入清心書院。冬十一月工藝所成立。以地位窄狹。先辦穿藤一門。時值半載而畢業此技者達十三人。出品精良。定價廉於市售者十之一。以故人人樂購。常苦應接不暇。此外如音樂隊成績尤佳。凡給役於婚喪喜慶。隨班游行。步伐整齊。抑揚合節。爲滬上首屈一指。且他隊之行經華租各界。遇有禁阻奏樂地點。例須停止者（如禮拜堂及製造局等處）惟孤兒院音樂隊得照常通過。亦可見其得人崇仰之一班矣。嗣該院院董以開辦以來報名求進者絡繹而至。大有人滿之患。因力謀擴充而振孤苦。遂向六合公司以賤價購得龍華附近基地二十餘畝。建築齋舍操場。並闢菜園一畦。即令院生任灌溉之責。布置井然。至今該院之獨能傳播人口者。實始事諸公苦心孤詣之功。至該院立法之謹嚴。章程之美備。在我國孤兒院中當首屈一指也。

貧兒院

貧兒院以收養寒苦子女。教成一能一技。俾能自活。且使地方減除惡劣分子。即爲社會培養良善爲宗。

旨。考其創辦之時。爲清光緒三十二年。由故紳曾少卿及商會諸董發起。成立於清宣統元年。蒙政府褒獎。院址設於斜橋南。開辦時祇基地二十五畝。迄今已較前增加四十餘畝。規模宏敞。布置有序。先後教養男女貧兒四百念七人。由該院出身現供職於社會者。計交通事業四人。音樂家二人。各項商業十四人。工人拾軍人五。女教員二人。由該院介紹而得職業者四十一人。代爲出嫁女子一人。院中設有國民學校。男部分四級。女部分三級。高等小學補習科。男部分三級。女部分二級。或由該院保送。或由本人考入各中校各專門各師範學校。以及各書局各實業機關學習者三十二人。現留院教養者仍有二百十人。該院經費。均賴滬上慈善家慷慨樂輸。主其事者爲總董周金箴。院長施子英。經濟部董蘇本炎。主事高硯耘云。

中國救濟婦孺會

中國救濟婦孺會。始創於民國元年十二月。由紹興同鄉會董聯合寧波湖州同鄉會等拾餘團體。組織而成。定名曰全國婦孺救濟會。公推徐乾麟袁芸生許默齋田資民諸君管理會務。嗣因事務日繁。乃於民國二年二月廿七日。在滬北總商會開選舉幹事會。遂更名爲中國救濟婦孺會。並舉定幹事員三十人。由黃翊昌許默齋二君。修改會章。暫借閘北森康里樓屋一所。爲婦女留養所。斜橋永錫堂爲男孩留養所。留養婦孺日多。房屋不敷應用。遂租江灣玉佛寺爲留養院。迨至六月初十日。修葺工竣。遂將留

養婦孺二百餘人。悉數遷至江灣新所。十二月七日邀集全體會員在江灣開成立大會。並由會員舉定董事三十八人。十二月二十七日由當選董事選定正副會長及各科辦事人員共三十餘人。內分經濟文牘交際調查庶務教育評議等科。溯自成立迄今。已經七載。受其惠者萬有餘人。他若大連等處並設有分會云。此亦是滬上慈善事業中之巨擘也。

放牛局與狗棚

清同光時。上海有金梅溪者。善士也。放牛局於小南門外。鄉間老牯。不能任犁鋤者。皆可售與局中。蓊秣之屬。無不具備。俾得了此殘生。不致宛轉於屠刀之下。其有病者。延牛醫治之。愈後仍准贖回耕作。又見巡捕之殺犬也。建狗棚數十間。請於捕頭。凡所獲無主之狗。俱送至棚中。不數日。猶猶者以千百計。保全物命。德莫大焉。奸爲苛論者。乃以賤人貴畜。譏之未免過矣。

戒煙會

風滿雨晦之天。一榻橫陳。煙霞呼吸。亦覺人生樂事。今則黃花明日。徒爲黑籍者嘆耳。昔租界中大小煙館。數以千計。其著名者。南誠信以高敞勝。眠雲閣以清雅勝。入其中者。但覺畫棟雕欄。色色華麗。桌必雲石。椅必文楠。庭羅中外之名花。室列名人之書畫。別開生面。雅近風流。費青蚨二百頭。即可勾留半日。然銷鑠精神。廢時失事。人皆知其禍害。而染之者。卒難戒絕。若西人之患。則不在煙而在酒。往往杏花村近。

蟻緣香浮。濡首不知。沿途滋事。甚有工作之入。日得數百錢。衣食且不暇顧。而梨花春暖。鳥喚提壺。竹葉香濃。人思挈榼。血汗之資。有半供紅友之需者。耶穌教中某西士。惻然憫之。因就南京路西首。設一戒煙會。凡願戒之人。咸得入會。會中音樂間作。果饌並陳。打彈踢球。無所不可。惟不許麵秀才。及青州從事輩。雜坐其間。立法可爲美善矣。苟有志戒煙者。仿而效之。亦何患鴿面鳩形。爲人鄙視也耶。

滬北之棲流公所

昔時滬濱之北。新開之南。有棲流所。係安插流民而設。聞毀於兵燹。遺址無從查考。光緒乙卯陳寶渠司馬。憫蕩子之飄流。謀貧民之棲止。稟陳道憲會同廳縣於新開大王廟得公地一方。鳩工庀材。閱三月而成新所。當委瞿開桐爲堂內董事。嗣後擴充號舍。留養貧民至二百餘人之多。常年經費。全賴公堂罰款。及衆善士之樂輸。宣統初年。因章程仍有未善。由堂董重行修改。溯自開辦迄今已歷四十寒暑。教養游民不下數千名。亦上海慈善機關之巨擘也。用紀大略。以告留心社會事業者。

劉江氏捐款十萬圓

劉江氏因妻妾涉訟案。遵故翁劉聽泉遺囑。於清宣統二年十月二十四日。親由滬赴蘇州。帶洋十萬元。交程（雪樓）撫案內。聲明此款專助上海學堂經費。撫批劉江氏與楊斯盛同一獎勵云云。後經學界議決。呈准此款撥入江蘇教育總會。在上海設立法政學堂。詎劉江氏繳款至一年有餘。而十萬元之巨資。